

**Razvojna banka Federacije
Bosne i Hercegovine
Predsjednik Uprave**

Broj: 6798-III/26
Sarajevo, 24.06.2026. godine

Na osnovu člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, Pravilnika o izmjeni Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 1534-II/25 od 10.02.2025. godine, a u vezi odredbi člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 6729-XII/26 od 23.06.2026. godine, Predsjednik Uprave Razvojne banke Federacije BiH donosi

ODLUKU

**o izboru najpovoljnijeg ponuđača u postupku javne nabavke usluga osiguranja
imovine Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj: 6729-XII/26 od 23.06.2026. godine i Ugovor za nabavku usluga osiguranja imovine Razvojne banke Federacije BiH dodjeljuje se ponuđaču SARAJEVO-OSIGURANJE d.d. Sarajevo, Maršala Tita 29, 71000 Sarajevo, kao najpovoljnijem ponuđaču putem konkurentskog zahtjeva za dostavu ponuda.

Član 2.

Ukupna ponuđena cijena Ugovora iz člana 1. ove Odluke, iznosi 12.947,00 KM.

Član 3.

Po okončanju roka za žalbu, Ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu Odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova Odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj: 5676-III/26 od 25.05.2026. godine, pokrenut je postupak javne nabavke usluga osiguranja imovine Razvojne banke Federacije BiH za potrebe Razvojne banke Federacije BiH.

Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 13.000,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 28.05.2026. godine, broj obavještenja: 1011-7-2-110-3-68/26 ("Službeni glasnik BiH" broj: 37/26 od 29.05.2026. godine).

Tenderska dokumentacija objavljena je zajedno sa navedenim obavještenjem.

Odlukom v.d. Predsjednika Uprave Razvojne banke Federacije BiH o imenovanju Komisije za nabavke Razvojne banke Federacije BiH broj 1763-III/25 od 14.02.2025. godine, Odlukom o izmjeni Odluke o imenovanju Komisije za javne nabavke Razvojne banke Federacije Bosne i Hercegovine broj 7310-III/25 od 30.06.2025. godine i Odlukom o izmjeni Odluke o imenovanju Komisije za javne nabavke Razvojne banke Federacije Bosne i Hercegovine broj 8818-III/25 od 12.08.2025. godine, imenovana je Komisija za nabavke Razvojne banke Federacije Bosne i Hercegovine, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda broj: 6729-XII/26 od 23.06.2026. godine, u kojem je utvrđeno da su blagovremeno pristigle 4 (četiri) ponude, kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	D.D. „BRČKO – GAS OSIGURANJE“ Brčko distrikt BiH, ul. Banjalučka 8, Brčko distrikt BiH	08.06.2026. godine u 08:51 h	12.981,12	0,00	12.981,12
2.	ASA CENTRAL OSIGURANJE d.d. Sarajevo, ul. Trg međunarodnog prijateljstva br. 25, Sarajevo	09.06.2026. godine u 08:35 h	12.947,88	0,00	12.947,88
3.	Premium osiguranje a.d. Banja Luka, Ulica Mladena Stojanovića broj 111, Banja Luka	09.06.2026. godine u 8:58 h	12.971,88	0,00	12.971,88
4.	SARAJEVO-OSIGURANJE d.d. Sarajevo, ul. Maršala Tita br. 29, Sarajevo	09.06.2026. godine u 11:14 h	12.962,60	0,00	12.962,60

Na osnovu izvršene analize i ocjene pristiglih ponuda, Komisija je utvrdila da su 4 (četiri) pristigle ponude prihvatljive.

S obzirom da je tačkom 22. tenderske dokumentacije predviđeno provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj: 80/23), za ponuđače je zakazana e-aukcija za ponedjeljak 15.06.2026. godine, sa početkom u 12:00 sati i predviđenim trajanjem e-aukcije od 15 minuta.

E-aukcija je održana 15.06.2026. godine, započela je u 12:00 sati i završila u 12:15 sati.

Rangiranje prihvatljivih ponuda prema kriteriju za izbor ponude nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM	Rangiranje
1.	SARAJEVO-OSIGURANJE d.d. Sarajevo, ul. Maršala Tita br. 29, Sarajevo	12.947,00	1
2.	ASA CENTRAL OSIGURANJE d.d. Sarajevo, ul. Trg međunarodnog prijateljstva br. 25, Sarajevo	12.947,88	2
3.	Premium osiguranje a.d. Banja Luka, Ulica Mladena Stojanovića broj 111, Banja Luka	12.971,88	3
4.	D.D. „BRČKO – GAS OSIGURANJE“ Brčko distrikt BiH, ul. Banjalučka 8, Brčko distrikt BiH	12.981,12	4

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je nakon pregleda i ocjene ponuda u postupku predmetne nabavke utvrđeno da je cijena ponude ponuđača SARAJEVO-OSIGURANJE d.d. Sarajevo u iznosu od 12.947,00 KM, prema kriteriju za izbor ponude (najniža cijena) ocijenjena najpovoljnijom, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



Predsjednik Uprave

Borislav Trlin

Dostaviti:

- Učesnicima u postupku.